

袁州府志卷之十九

藝文八

詩

慶豐室十開談

祖無擇

吏散鈴齋掩閉門到日斜無端是夢容易繞京華

二

鄭聲良可厭閒按七絃琴欲識調絃意理人先理心

三

年長身多病閒抄已試方未甘先犬馬畢命報恩光

袁州府志

卷之十九

四

青山日相對閒看白雲生誰謂無心出中含濟物情

五

晚按三杯後閒煮北苑茶色香俱絕品雲泛蒲甌花

六

偏州賓客少閒作道家裝迹跡心還靜逍遙覺日長

七

雨露輕埃息閒吟面曲池清鱗時對擲雙破碧漣漪

八



新來因試筆閒荅故交書莫恠音塵絕吾心與世遠

九

漸老無功業閒思惜壯年桑榆如有待猶可勒燕然

十

晴軒足清趣閒與鶴開籠寄語北山侶無驚蕙帳空

春波亭

阮閱 知袁州

數葉荷衣一短蓑春波亭上倚斜暉無人會得詩中話
話凭盡欄干又獨歸

題易著明書齋

張士遜

袁州府志

卷之十九

秋風里巷孝廉家莎徑蓬扉掩日斜霜雪滿簪新白
髮篔簹一室舊生涯一年未展垂天翼八月終乘上
漢槎莫指雲峯待深隱聖朝無客卧烟霞

題李都官道堂

王雲

高挂朝冠返故鄉靜延真侶創新堂不容閒草依塔
砌已許歸雲宿棟梁愛客定須添酒病惜春應未
詩狂肯同阮巷分南北松竹交陰隔蘚牆

題張氏鍾秀閣

下築顛郊扉登臨野趣宜鷗邊春浪潤草外碧雲低

畫憶王摩詰詩慚杜拾遺徘徊半樓月殘夜水

次韻柳樞密題向萍鄉莞爾堂 王廷珪

器遠無通用絃歌君暫娛從來趙魏老或為滕大夫
昔時武城宰其人骨已徂牛刀發新硯夫子輒驚呼
向侯本學道與世疑闊踈擁紳聽衙鼓堂下一事無
不無赫赫名說幾以自殊催科雖云拙於今乃賢無
夫子儻無言黑白混一區家有治縣譜不欲嘗晏如
棠陰決民訟松間讀我書飛蝗避境土野鶴馴階除
堂下盛賓客不減陳趙予新詩播京邑異世乃同途

袁州府志 卷之十九

三

振響若登仙身輕衣六銖雲間候風馭若焉何時迂

莞爾堂

向 瀉 萍鄉知縣

槐陰參差日轉廊時看野鳥下橫塘開牕綠映篔簹
淨流水紅浮齒菡香座有琴觴真道院徑通花木似
禪房文楸珍簟踈簾裏與子同消夏日長

樂游堂 在東湖 祖無擇

晴烟幕幕湛湖光勢勝居然占一方拂水萬絲楊柳
弱倚風千蓋芰荷香縱游閒泛蘭舟穩半醉狂眠石
榻涼公退每來多度日却疑身出利名鄉

清熙閣 在東湖

王古 知袁州

選勝開軒俯北城登臨風物有餘清畫屏疊翠千峯
秀玉鑑涵虛一水明絕境忽逢幽鷺下賞心時覺白
雲生欲知大守忘機否鷗鳥逍遙盡不驚

趙資道 知袁州

滿園桃李繞池阿下瞰長江萬頃波晝靜無風澄古
鑑源深有路接天河花茵草帶隨隄盛漁唱樵吟隔
岸多政暇閒邀賓侶賞夕陽歸處引笙歌

信美亭

鍾顯

袁州府志

卷之十九

四

春山碾玉水澄藍釣引扁舟到碧潭岸柳新絲梳晚
日塞鴻歸翼挾秋嵐興饒席客揮金椀睡足巖僧下
石龕怕見篙師理田棹清尊未得恣沉酣

謝山劉長者讀書堂

楊萬里 寶謨閣學士

前輩學詩如學仙吾謂讀書當亦然神州九轉骨可
換聖門一簣功相先劉公結屋高山巔豈效羽客餐
霞烟鄴侯三萬足高尚霧雨養豹知幾年文章笑拍
班馬肩書堂看來咫尺天會當擢桂廣寒邊祗借謝

仙雲鶴舫

南園道堂

辛

炳

知袁州

縱步幽園晚未歸已馴魚鳥莫相猜垂楊當路從教折細草沿階不費栽花樹影中流水過林梢缺處遠山來一筇春事無人共踏破空庭幾點苔

無訟堂詩

有序

沈昭遠

知袁州

袁人稱好訟比來假守見其十力學而知廉耻民樂善而好儉嗇于是待以平恕有以寬簡愚則教之不從則刑之踰兩月而牒不盈百謂之好訟可乎因以郡圃之堂名曰無訟聊以雪袁人之謗庶幾後來者以平恕寬簡為治而可以無事矣

欲為袁人雪謗聲因將無訟榜堂名他時芟舍棠休

袁州府志

卷之十九

五

翦近日園扉草已生自是索癡求大察却疑求矢聽難明要知本樂農桑處請看東郊隴上耕

落梅堂

蔡 搆

何人度曲有新工吹入梅花短調中但覺斷雲低盡日不知香雪暗隨風

萬點瓊英散不收孤城月墮四山幽幾多畫角風前意莫向梅花落處求

鈴岡書院

明

邵 寶

提學副

翠成未落柰行何却喜年來復此過地僻儘容徐孺

榻山深堪唱武夷歌鳥聲似領春風淡草色應露夜
雨多讀罷新碑放舟去鈴岡雲盡秀江波

隱

宋

朱熹

大專槃萬生異體實同氣云胡分彼此直以私自蔽
君家桂林伯德學妙一世閉門不忘憂箴緘矧行義
眷言介弟賢四益謹先昇千里各分符一心同盡瘁
遠題齋戶冊來表棲息地系述駕心胸俯仰資惕厲
陽嘉旣滌盪陰慝失封閉介然彼疇瘳赫若我黜劓
拊摩極哀恫征取敢忘藝戰兢一日力洋溢因封被
袁州府志

卷之十九

六

君看物我間隱顯豈殊致願反振民功更懋根本計

登妙高亭

張嗣古

雨裁綠錦互成畦風捲黃雲下照溪點點平山明落
日漁舟撐取暮霞西

桐岡書屋

明

楊士奇

桐岡白雲淨中有讀書軒竹色清依檻波光潑遠門
吟詩暢餘興把卷詠微言亦有幽棲者時來共討論

又

曾棨

梧桐在高岡下有隱者居屋後山削玉屋前水鳴渠

屋中何所有插架多古書竹簡識科斗芸香驅蠹
豈伊惜寸陰庶用勤三餘名教有真樂孜孜遂志
及茲得賢嗣發軔登雲衢追陪青瑣賢出入承明廬
聲光動鄉邑此屋信不虛黃金須滿籛視斯諒弗如
墨莊有遺訓永矣垂名譽

浚渠亭

郭

叙

宜春進士

清泉澄澈白雲來繞過山亭一鑑開
惠澤久知沾萬姓德星今喜映三台
鶯花時送簾前景絃管頻催席上杯
處處甘棠歌不盡峴碑宜直向春臺

袁州府志

卷之十九

七

陳伯獻

副使

渠水年深塞欲乾縈紆開濬見潺潺
江雲帶雨寒添溜野竹迎潮暗入山
曉汲萬家瓶縷開春耕千頃桔槔閒
使君經濟豐碑在召杜聲華伯仲間

嚴嵩

徐侯亭子李侯渠水石新呈宿莽餘
秋淨野田聞鶴語雲深仙洞隱龍居
馳驅暫駐三湘節登賦初陪五馬車
此日佳游習池共他年故事峴山如

登總宜樓

沈存仁

傑構新題鬱透迤高臺春閣倚嵯峨天留韓李江城
壯地歷衡湘嶽色多雲傍綺楹邀翰墨鳥窺芳樹入
絃歌登臨欲縱尊前嘯南北烽連未罷戈

宗濂書院和陽明韻

孫燧

道脉傳來認未真浪叨儒籍混儒巾一從夫子開圖
學孰謂中原有敵民庭草更添新意思池蓮不減舊
精神千年廟貌重瞻謁猶見春風拂藻蘋

楚臺夜月

徐璉

萍陵龍旆駐昭王世姓名存事可傷夜靜東來吳月
近雲開西望楚山長幽藏野鳥鳴高樹影落荒巖送
夕陽遙憶登臨惆悵處築臺空負重賢良

遊東樵書院

周業孔

安福人

車馬全非郭烟雲半是村雙池平抱戶一徑曲通園
柳樹揮書幌梨花落酒樽七年經史意重得細評論
綠筠書屋

龍

駿

萬載人

幽篁夾徑春雲起曲閣長廊淨如水曉日移陰上石
闌主人嘯傲烟霞裏時從賓客坐徘徊翠色娟娟浮
酒杯直須勁節拂霄漢會見九苞鳳來

冬日憇翠巖亭

宋九儀

偶上巉巖俯萬烟
嶙峋飛掛是何年
幽蘿疊徑崖中度
老樹盤根石裏穿
一望木籠雲晚照
四開亭榭隔塵緣
朋來不負登臨興
矯首御栢意爽然

宿清風閣

黃鳴喬 知府

嶙峋傑閣欲摩空
借榻今宵興不窮
黃樹催濤登枕畔
群峯擁翠泛牕中
如何島外烟霞趣
却與城邊市徑通
未遂初衣歸一壑
冷冷兩腋已生風

丁巳四月望日同家兄朱揚二年丈登盧洲三

袁州府志

卷之十九

九

元閣落成志喜

袁業泗

鴻臚卿
宜春人

銀榜新題接上台
嗟峨飛閣逐江開
當年盧石人為重
此日龍沙天若迴
見闢乾坤高定位
重栽桃李長新材
吾儕杖履登臨暇
笑指河山氣壯哉

又

借問東南第一洲
盧君名歷九河流
千年故址懷麟鳳
一日崇宮逼斗牛
雨後芙蓉回落照
夜深畫角淨清秋
登攀不獨多形勝
賴有高人續舊游

鈴山八咏

袁業泗

仰止亭

雅意乘清旭曠望豁心目愧我馬牛身躡此蛟龍躡
撥雲靈轍在掃石豐碑讀高山徒自仰景行未能續
卓泉亭

何年卓篙去遺井猶然冽影落松間雲光映巖端月
澹澹吐瓊花湛湛漱寒雪滄浪吾有咏此地真清絕
漱石亭

峭壁控清沚幽人衆峯裏澄澄且漚纓鑿鑿堪礪齒
波淨江如練霞明石似綺坐嘯欲忘言怡然懷往趾

袁州府志

卷之十九

十

撫松亭

亭高綠四野迴風危湍瀉極目遠天際盤桓長松下
翠色挂蒼龍濤聲嘶萬馬覺來爽氣襲誰是真白者
振衣亭

高尋石頂去千仞亭亭許孤鶴橫江過五老排空語
掌上列星辰肘後興雲雨振衣聊躑躅白日生翰羽
傍雲亭

磴緣鳥道外欣心高世出隻手摩青穹雙屐踏紅日
飄飄凌雲起冷冷御風疾下觀車馬徒終悲塵世失

得翠樓

翠漢靄蒼蒼，儼此清都宴。山山芙蓉媚，鳥鳥宮商變。
桃杏醉我目，雲烟覲人面。橫跨中天上，茲景詎能選。
清風閣

危閣倚層巔，檻外清虛白。天風吹萬里，爽籟生兩鬢。
有懷虞廷奏，無羨蘭臺適。坐因北牕下，吟歸明月夕。

黃郡伯重脩珠泉亭

袁業泗

爲訪城南踏，逕苔珠泉重。對賞心開，澄澄媚色侵莓
岸。練練瓊花入鏡臺，幾度昆明啣。照後重驚合浦逐，
袁州府志

卷之十九

十一

渡來當年樓閣增，佳麗已識騷人作賦才。

徐仙亭

黃裳

憑空我欲問徐仙，草蔽瑤臺不記年。半卧固知爲白
石鶴歸，猶復認青天。江萍似斗，應曾見海棗如瓜。恐
亂傳，惟有寒梅與疎竹，縈風籠月碧雲邊。

翠巖亭

楊遇用

萬載人

半築龍江滸，超然遠俗華。嶙峋浮石蓋，翠黛映山花。
永活方塘澗，亭幽曲徑斜。優游隨杖履，彷彿到仙家。
翠巖亭小集分得遙字

業臨江渚幽尋一徑遙池魚依凍藻籬雀總無
酒伴林中暢茶烟竹外飄醉餘凭望處隔水見歸樵
策篁館有懷

譚嘉猷 萬載人

自憐肺病未曾蘇且向深林獨據梧亂木風聲隨遠
近空塔草木自縈紆謾言五嶽真禪客乃是高陽舊
酒徒縱使悠悠俱白眼寸心還與月
語石亭垂成予遄發矣

國新 施閔章

作亭春雨內石壁在憑欄未暇銜杯坐先來勒馬看

袁州府志

卷之十九

十二

薄雲生礪底飛閣倚天端巖路從茲入松風白晝寒
許將軍元公置酒語石亭亭是予初構遇雨飲

竟日

陰崖細靄入青冥坐石攜壺向晚汀乍見華筵山鳥
惟共驚恁管野樵聽酒酣沾濕從花雨吏隱蕭疎是
客星緩帶雅歌君不忝風流它日記吾亭

楚昭王廟

以下寺觀

唐

韓愈

袁州刺史

丘墳滿日衣冠盡城闕連雲草樹荒猶有國人懷舊德一間茅屋祀昭王

登春臺醉宿景星寺寄鄭判官兼簡空上人

李群玉

曉發碧水陽暝宿金山寺松風灑寒雨浙瀝醒餘醉夜中香積飯蔬粒具精異境宋城塵愁神高得詩思皎皎縈陽子芳春富才儀漲海豁心源水壺見門地碧霄有鳩序未展聯行翅俱笑一尺繩二年絆騏驥

袁州府志

卷之十九

十三

摧藏擔簦容鬱抑胞襟事名業爾未從臨風嘿舒志一身渺雲嶺中夜穴涕泗側枕對孤燈衾寒不成寐糧薪極桂王大道生榛刺耻息惡木陰難書劍歌意揚鞭入莽蒼山驛凌烟翠越鳥日南飛芳音愿相遠

九疑觀

鄭啟

白日三清此上時觀開山下彩雲飛仙壇丹竈靈籙在鶴駕清朝去不歸晉末幾遷陵谷改塵中空換子孫非松花落盡無消息半夜疎鐘徹翠微

妙峯寺

宋

王古

脩徑轉巖阿危亭臨木杪清明江練直紫翠山屏透
林巒獻奇秀圖畫極天巧松杉韻輕風笙簫奏雲表
心知游魚樂日送飛鴻杳浮生黃梁夢幻事何時了
惟應觀勝妙坐可清紛擾豈須登泰山閒看諸峯小

題福勝寺

張 斌

朝宗秀水琉璃碧擁縣高山翡翠青三峽元無天下
險五臺端是地中靈羊腸紫棧平如砥魚貫朱甍巧
似屏中有神仙來作牧斗南夜夜煥台星

題寶積寺

方雲翼

袁州府志

卷之十九

十四

暫脫城圍馬足埃僧牕高卧白雲堆青山影裏春醒
解黃鳥聲邊午夢回坐懶且推書冊去吟清時喚茗
鷗來要知門外無車轍十日新生一徑苔

題昌山聖姥廟

甘叔異

分宜古縣環清溪重岡複嶺如奔馳行逢山斷水流
處閣城廟枕山之西我來落日在前嶺摩挲一讀盧
華碑嗟唐去今亦已久尙餘文字光陸離云昔秦人
有天下鏖戰六國愚黔黎礪山雲氣望不見神物乃
降江之婺雷轟電合助光恠蜿蜒墮地皆祥兒赤

王鮪奉鼎俎追逐其旨憐老慈姥先仙去環珮冷安
龍蟠蟄從兒嬉劉累不出浮俗隘况肯委質羸與斯
珠宮貝闕世所希銅環十二白玉扉紉蘭作佩香披
披招搖手掉芙蓉旗哀彈清瑟和宓妃大川擊鼓勞
馮夷巨魚踴躍龜鼈隨蝦鱗瑣細不得追廟門開闔
風颯颯千年萬載龍居之野巫偵伺薦酒卮簫鼓坎
坎來宮祠五彩不辨虺與螭聊以幻化驚群迷嗟我
四海久望霓無復空抱明月輝好施膏澤與六合豈
止但慰袁人思歷堦酌水致此辭退以遺說傳于詩

袁州府志

卷之十九

十五

才慳語類論甚卑龍兮謹勿相訶譏

曾季狸

白虵妖血腥未掃真龍四散歸江島嶠南道上閱城
邊發露光芒自神姥當年龍爲神姥兒人耶龍耶媪
未知提攜禳禱漸至大將從嬰慕經幾時媪持刀匕
供晨羞誤傷兒臙血迸流兒驚錯愕遽入水頃刻變
化無停留媪方知兒是龍子扼腕嗟呼愁不已欲爲
毋子復如初萬頃滄浪隔剡水恩深恨久空纏綿媪
亦鶴髮終天年里人相率爲封樹墳突兀瀕江邊

龍爲人形服袞麻哀哀念毋情如加自言丘壠太卑
下恐爲水嚼填松沙頽更遷易真爽塏役使山靈驅
水帷路人俄見若堂封事畢不知龍所在由昔至今
過千歲媼猶廟食江之涘道傍過者皆乞龍割牲醢
酒來相繼向來健筆海潮手爲勒蒼珉傳不朽我來
摩挲三歎息文公墨妙今希有可憐野水年年綠欲
薦谿毛直可掬臨風泚筆賦長歌與當廟食迎送曲

鶴興寺

易思

百尺古松松下寺寶幡珠蓋畫珊珊閒庭甘露幾回

袁州府志

卷之十九

十六

落青石綠苔猶未乾

崇信寺

張諤

鴉啼殘照下層城僧舍初寒夜氣清風動竹枝垂地
影霜乾梧葉落階聲不遑將毋傷今日無以爲家歎
此生都下苦無書信到數行歸馬月邊橫

題鄴都官墳祠

陳侁

袁州通判

公沒歲已遠公名本競傳榛蕪四尺土風雅三百篇
世未泯于道天實生我賢築宮古原上一奠一悽然

柳洪

人苑固等耳苑有名不湮非以功業著卽爲文字珍
鄭公守愚者專以詩發身清骨與土腐高篇俱世新
臨編一諷讀蕭然想其人故居易它主遠孫編細民
擇之賢大守嘉事發幽淪選僚驅車駕訪道披荆榛
增土助風勢繚垣周山垠刊文表行路築堂寧昏神
遂使袁之秀拔慕相趨循觀古所稱道伊人滋弗泯

大通院

張南仲 運使

古寺臨川大道傍老僧慣見馬蹄忙洪鐘尙記唐先
啓幾度高樓下夕陽

袁州府志

卷之十九

十七

宿廬溪開花寺

郝大聲

可惜邯鄲夢未成數敲僧舍粥魚一作木魚聲寒燈有意
鐘人起早踏沙溪曉月行

普通禪寺

僧德惠

古寺何年有巍峩入杳冥水如僧眼碧山作佛頭青
瓦礫皆能說虛空亦解聽道人心已死牕下卷殘經

梵林寺

袁皓 吉撫二州刺史

梵林遺址在松蘿四十年來兩度過廬水東奔彭蠡
浪萍川西注洞庭波村墟不改居人換官路無窮過

多衣紫腰金成底事凭欄惆悵欲如何

題虛明觀

王觀

甘卓祠東流水西插雲梁棟跨鯨鯢初驚蓬島在半
地又恐桃花出此溪露草池塘鋪翡翠風筠欄檻撼
玻璃景星舊事雖優劣名實纔分自不齊

大悲禪刹

元 虞集

不夢金人長丈一中華那得通西域象教流行遍海
隅龍江崇奉成真癘佛殿峩峩高倚山經聲細細朝
連夕邇來行人行路難促裝常候鐘敲畢

袁州府志

卷之十九

十八

南泉丈室

鑪香滿座雨垂簷借得方牀午夢甜泉上老龍還記
取山翁曾此聽華嚴

宿武雲山觀

明 王守仁

曉行山徑路高低雨後春泥沒馬蹄翠色絕雲開遠
嶂寒聲隔竹隱晴溪已聞南去艱舟楫漫憶東歸阻
杖藜夜宿仙家見明月清光還似鑑湖西

再宿武雲山觀

武雲道士曾相約歸路還來宿武雲月滿仙臺棲鶴

仙書留苦壁看鵝群春巖多雨林芳淡暗水穿花石
溜分奔走連年家尚遠空餘魂夢到柴門

和王中丞宿武雲山觀韻 徐璉

登高遠眺市城低石磴踏翻紫驥蹄園苑蒼荒丹竈
洞瓊宮影墮楚平谿卧雲晚釣松頭月尋壑行攀嶠
上藜鶴舞蟬鳴清興轉碧天霞彩日橫西

仰山祠 王守仁

特脩江藻拜祠前正是春風欲暮天童冠儘多歸詠
興城南兼說有溫泉

袁州府志 卷之十九 十九

古廟香燈已有年增脩還費大官錢至今楚地多風
雨猶道山神駕鐵船

袁州謁韓文公祠 邵寶

一上春臺草陸離忽瞻遺像起遐思江山恨少滕王
賦風水愁多二女祠石廩不知雲去地雷塘猶想雨
來時憑君莫引飛鴻望萬里騎龍任所知

又用公韻

湖水袁山共此天量移聊復路三千拜瞻正愧文風
地感應真還禱雨年獨鶴未歸空嶺外殘碑猶倚

龍節不須再作迎神曲蘇老文章在傍邊

謁韓文公祠

李夢陽提學副使

刺史爲邦地遺祠竹木森此來瞻廟貌千古見人心
臺傍宜春宋江連下浦深可招魂不返風雨四山陰

二

袁州山在城韓廟倚山青冕服前朝貌文章百代名
石苔猶馬路春竹自鶯聲立望潮陽近翻翻海氣征

沈存仁

韓祠斜日俯江濱松檜陰深一徑分北斗晴臨還古

袁州府志

卷之十九

二十

殿南山翠合自宜春雪消梅嶺迴陽馭雨禱雷塘擁
畫輪千古蒸嘗瞻廟貌郡人猶自薦芳蘋

嚴堯日

誰信東流去不回公時原道已堪哀龍門自有千尋
杆瘴海何妨百折摧春到芳原皆錦錯秋空落木見
崔嵬憑欄極目江天外疑是當年霽色開

重經昌黎祠懷古再韻

葉泗

公昔移潮來楚荒海天山斗共徬徨諫書詆佛乾坤
定原道匡儒日月光萬古人心留不死千年廟貌振

遐方而今四海猶多難願得如公惠此鄉

謁黃大常公祠

周應治

先朝釋禍侍東宮蹇蹇常思竭匪躬湯武一朝伸大義夷齊千載效孤忠貞標自不磨青史正氣猶能貫白虹却恠江河趨漸遠獨留砥柱障頽風

袁業泗

六駕飛龍渡水濱孤忠獨往不謀身亦知犬馬懷恩舊誰謂夷齊慕義貞一片旂腸紅日映千秋俎豆太常新古來政要貞觀兼王魏何如得比隣

袁州府志

卷之十九

二十一

崇信觀

陳輅 推官

漠漠山城裏秋深寒氣生江村烟雨內遙望不勝情

廣報觀

易節 布政使萬載人

翼翼仙宮傍紫霄玉皇香案御烟飄天河倒浸星壇近風露寒生月殿遙琪樹枝頭巢鸞鷲碧桃花裏聽笙簫倦游久欲長生訣且向雲房覓子喬

九仙宮

嚴嵩

鶴馭鸞驂去不還千年遺蹟在人間應隨絳節朝金闕尚隱丹爐閉竹關福地烟霞元不改洞宮雲水自

長閒無因得問長生訣乞取刀圭一駐顏

又

彭澄 延平知府萬載

黃子求仙轉九還尚留丹室寄人間諸天雲外連三島萬載山中闢一關翠竹停鸞烟霧隔青谿飛鶴洞門閒昔年假館曾舒卷今日移尊欲解顏

寓靜安寺書壁

嚴嵩

山城下馬對寒松古寺重門一徑中林靜已知巢鳥定月明初覺梵堂空驚傳警鐸敲殘夢愛聽絃歌振古風却歎此身浮似寄萍蹤明日又西東

袁州府志

卷之十九

二十三

泰和觀

秦舊昂

迢迢仙境甚難尋身到蓬瀛小翠岑梁棟倚天香霧合欄干傍日曉光臨碧桃紅杏千年實翠栢青松半畝陰重沐相從情思好更煩揮翰寫清吟

張益謙 教諭

仙真昔日記曾游遺迹如今幾度秋宛若瑤池環翠水空疑蓬嶠在丹丘風雲上接玄都界星斗遙懸紫綺裘白鶴不歸丹竈冷麤罔延月轉西樓

淨安寺

失名

龍江江上一奇峯
遙望樓臺聳碧空
夾道喬松招夜
月
滿林幽竹喚秋風
迎人野鳥聞關語
憐客巖花爛
熳紅
讀罷傳燈回首處
禪關時有白雲封

龍愚卿

越逐年來訪舊林
上方隨起翠微陰
和風梵宇踈櫺
透皓月禪房草徑深
三世種緣聊暫拔
一經揮麈白
須尋青松蓮榻重
相過細與山僧話
古今

宋九儀

袁州府志
人卷之十九
二十三
靜域臨江蒞僧堂
瞰石門烏雲隨去
任鐘鼓自朝昏

天棘閒蔬圃空階
剩路哀猶懷玄閣
草燈火夜中渾

莊嚴寺

郭致仁 萬載人

古寺依城僻重來
路不迷山川春日
麗殿閣野雲低
老樹空堂色幽禽
對客啼秋風如再
過擬向此中栖

題廣報觀悟玄樓

和郭件
即韻

韋明傑

西郊飛閣上千霄
卓劍仙風奕世飄
古木龍從環界
統群峯縹緲望中
遙雲封石屋留丹
鼎月滿空庭聽
紫簫漫自登臨舒
阮屨冷然出谷恍
遷喬

過謝公祠

劉芳譽

古廟幽沉瞰卓峯山雲長擁晝朦朧年深樹杪盤蘿
薜地迥書臺長華蓬斷碣無文消古字乞靈有客扣
晨鐘夕陽幾度明簷屋疑是仙來駕彩虹

過秀溪臺小菴

國朝胡鴻漸分宜教諭

曲徑通方丈幽光統綠叢開軒近月露拂座受松風
雲護三秋菊霜吟五夜桐天花何處落到此覺心空
重建昌黎書院志喜 方直

群峯遙混碧清勝引藩籬文起孤眠碣風流百世師
秋籩新品實春樹長封枝古道由來續誰云不可期
袁州府志 卷之十九 二四

昌黎書院

張浩前宜春令

隱隱遙峯列翠屏崢嶸廟貌望中停樓臺高下春風
曠木葉踈濃古院青諫草當年榮入夢文章此日勒
爲經試看俎豆千秋永疑有星雲護石銘

昌黎書院成 太守李公偕寅屬諸公月季課

士恭記

胡文衡舉人 府教授

斗山百代重明禋榱榑出崇課士頻原道閣前看帶
艸景韓堂裏慶傳薪指疑不似鵝湖辨奏復還隨鹿
洞新何幸親承邀德造雲緋星萃後先身

送竇司馬貶宜春

贈送

唐

李白

天馬白銀鞍親承明主歡
鬪雞金宮裏別駕碧雲端
堂上羅中貴歌中清夜闌
何言謫南國拂劍坐長歎
以望爲誰點隋珠枉被彈
聖朝多雨露莫厭此行難

送從弟豫貶袁州

劉禹錫

何事成遷客思歸不見鄉
游吳經萬里弔屈向三湘
水與荆巫接山通鄢郢長
名嗟黃綬繫身是白眉郎
獨結南枝恨應思北鴈行
憂來酤楚酒玄鬢莫凝霜

送柳使君赴袁州

袁州府志

卷之十九

二五

宜陽出守新恩至京口因家始願
造五柳閉門高士
去三苗按節遠人歸月明江路
聞猿斷花暗山城見
吏稀唯有郡齋牕裏岫朝朝空對
謝玄暉

送張觀歸袁州

李嘉祐

刺史

羨爾湘東去烟花尚可親
絲芳深映馬遠岫遞迎人
饑狄啼初日殘鸞惜暮春
遙憐謝客興佳句又應新
暮春宜陽郡齋愁坐
謝劉七待制

唐

李嘉祐

刺史

子規夜夜啼
儲葉遠道逢春半是愁
芳草伴人還
芳

落花隨水亦東流山臨睥睨恒多雨地接瀟湘畏
及秋唯羨君爲周柱史手持黃紙到滄洲

酬別李袁州

竇叔珣

少年輕會復誰離老大關心總是悲強說前程聊自
慰未知攜手定何時公才屈指登黃閣匪服胡顏上
赤墀想到長安誦佳句滿朝誰不念瓊枝

王涯刺袁州祖席得秋字

韓愈

淮南悲木落今我亦傷秋况與故人別那堪羈宦愁
榮華今異路風雨苦同憂莫以宜春遠江山多勝游

袁州府志

卷之十九

二六

量移袁州張韶州端公以詩相賀因酬之

韓愈

明時遠逐事何如遇赦移官罪未除比望詎令隨塞
鴈南遷纔免葬江魚將經貴郡煩留客先惠高文謝
起予暫欲繫船韶石下上賓虞舜整冠裾

自袁州還京行次安陸先寄隨州周員外

行行指漢東暫喜笑言同雨雪離江上蒹葭出夢中
而猶含瘴色眼已見華風歲暮難相值酬歌未可終
宜春早秋龍興寺江亭閒眺憶龍門山居寄程

張舊從事

李德裕

江亭感秋至蘭徑悲露泫
秔稊秀晚川杉松鬱晴巖
嗟予有林壑茲久念原
衍綠篠連嶺多青莎近溪
澗淵明菊猶在仲蔚蒿莫
翦喬木壑交茗陰崖積幽
藓遙思伊川水比度龍門
峴蒼翠雙闕間逶迤清灘
轉故人在鄉國歲晏路悠
緬惆悵此生涯無由共登
踐

永州送侄歸宜春

鄭史永州刺史

宋王正秋悲那堪更別離
從來襟上淚盡作髮邊絲
永水清如此袁江色可知
到家黃菊拆亦莫惟歸遲

袁州府志

卷之十九

二七

及第後送潘圖歸宜春

舊志謂楊鄴作非

盧肇

三載皇都恨食貧比滇今日化窮鱗
青雲乍喜逢知己白社猶悲送故人
對酒自驚千里別看花自感一枝春
君歸爲說龍門事雷雨初生電繞身

及第後寄宜春弟侄

易重大理評事宜春

六年鴈序忍分離詔下今朝遇已知
上國風光初曉日御街恩渥暮春時
內庭再考稱文異聖主宣名獎
意竒故里仙才若相問一春攀折兩重枝

送鄭谷歸宜春

曹鄴

無成歸故國，士馬亦高歌。况是飛鳴後，殊爲喜慶多。
暑消嵩嶽雨，涼吹洞庭波。莫便閒吟去，須期接盛科。
送魯德邁歸寧宜春

湖東山水有清輝，袁水詞人得意歸。幾府爭馳毛義
檄，一鄉看待老萊衣。筵開瀟岸臨清淺，路去藍關入
翠微。想到宜春更無事，併將歡慶奉庭闈。

送友人歸宜春

張喬

落花兼柳絮，無處不紛紛。遠道空歸去，流鶯獨自聞。
野橋喧碓水，山郭入樓雲。故里南陵曲，相期更送君。

袁州府志

卷之十九

二八

寄鄭谷

王貞白

校書郎

五百首新詩，緘封寄去時。祇憑夫子鑑，不要俗人知。

山中卧病寄盧郎中

伍唐珪

十年畊釣水雲間，任僻家貧少往還。一徑綠苔凝曉
露，滿頭白髮對青山。野僧採藥來醫病，樵客携觴爲
解顏。空戀舊時恩，與地無因匍匐出柴關。

重歸宜春寄朝中知己

袁皓

水香時似醴，知是入袁溪。黃竹成叢密，青蘿夾岸低。

有村皆績紡無地不耕
殷勤傾白酒相勸有黃雞歸老官知忝還鄉路不迷
直言于忌諱權路耻依棲拙學趨時態閒思與牧齋
稻梁饒燕雀江海溢鳧鷖昔共逢離亂今來息鼓鞞
火鼠重燒布水蠶乍吐絲直須天上手裁得領巾披

謁鄭谷

僧齊已

高名喧省闥雅頌出吾唐
自封脩藥院別掃著僧牀
幾夢中朝事久離鴛鴦行

袁州府志

卷之十九

二九

復寄鄭谷

白髮久慵簪嘗聞病亦吟
上國楊花亂滄洲荻笋深
寄仰山通味禪師

大仰棲禪處杉松到頂陰
鳥道峯形直龍湫石影深
早晚辭班列歸尋舊隱峯
代移家集在身老詔書重

獻鄭都官

僧虛中

藥秘仙都訣茶開蜀國封
何當苔蘚望高躡傳巖蹤

秋日寄第

趙防

涼風颯庭戶漸疑華髮侵已驚楊柳謝猶聽聽聒陰
雨助灘聲出雲連野色深鶴鶴今在遠年酒共誰斟

贈仰山惠度禪師

南齊丘

初聞如自解及見勝初聞兩鬢堆殘雪一身披斷雲
道應齊古佛高不揖吾君稽首清涼月蕭然萬象分

寄陳智周

沈鱗宜春人

名山相別後此去會難期金鼎消紅日丹田老紫芝
訪君雖有路懷我豈無詩休羨繁華事百年能幾時

袁州府志

卷之十九

三十

送閣門廖舍人知袁州

宋楊億學士

駸駸五馬動征塵太守風流世絕倫身事漢庭為小
相家傳楚國是騷人烟波莫歎重湖遠桑梓仍將別
墅鄰麥穗微黃稻苗綠朱旛入境便行春

送何水部蒙出牧袁州詩

李虛已侍御史

宜川三月水東流秀出江南二十州紅旆使君今日
去白衣舉子昔年游海潮賦就藏書府競渡詩成在
郡樓國史待修循吏傳早飛聲政達凝旒

孫元方殿中

聖君再命擁朱輪合是南方受賜頻雙鬢任從添白
髮六條誰許繼清塵風牽澤國秋帆遠路入豐城
錦新莫爲故鄉延去棹宜春人望待行春

李宗諤翰林學士

三省即曹素髮垂兩朝頻賜五時衣一麾又守江城
去千騎方從澤國歸醜酒河梁秋草濶卸舟湖岸
烟微宜陽郡客多才子誰伴山公醉夕歸

王曾同平章事

雉省榮遷拜命新魚符重佩出關頻停驂却訪粉榆

袁州府志

卷之十九

三一

社戀闕迴瞻析水津木薤有誰禪政術江山終日助
吟神一麾嶺外遥相望應合趨庭問獵人

臧綸龍圖閣待制

連翩作牧藹嘉聲重疊光華是此行公前後與溫梧鄂大平州今宜

春是鄉里畫隼前驅男子貴錦衣當畫故鄉榮虎溪駐目

曾游熟采石維舟舊吏迎來暮謳謠應載路遲留桑

梓肯忘情郡樓擁翠峯巒合蒼邑交光竹樹明醇酎

豈知千日醉宜春舊多醇酎溫泉常見四時清郡有溫泉夏冷冬暖清澄

可鑒春飲之宜下車不問山河改布政先期獄訟平人郡

何事紫宸偏顧矚聖君留意在編毗

贈宜春易著明

張

羣

大常少卿

之子宜陽秀文章甲輩流貧窮滯鄉國聲價徹皇州
門靜稀來往詩高寡和酬侯時幸無匹知己徧蓬丘

贈大仰齊禪師

王雲

大仰古名刹師居二紀中本無一法說須信萬緣空
體與大虛合心將諸祖同唐來三百載不墜釋迦風

和閻運使以詩見獎吏隱宜春郡詩

祖無擇

袁州府志

卷之十九

三二

狂吟何足話風騷和寡耳降郢唱高敢望與言同子
夏競推多可似山濤九成豈後虞韶美一字終虞魯
史褒自笑潢汙不盈尺猶將學海去滔滔

寄袁州曹伯玉使君

王安石

荆國公臨川人

宜春城郭繞樓臺想見登臨把一杯濕濕嶺雲生竹
茵冥冥江雨熟楊梅政成定入邦人詠詩就還隨驛
使來錯莫風沙愁病眼不知何日為君開

寄袁守廖獻卿

黃庭堅

起居舍人

公移猥甚叢生筴訟牒紛如蜜分窠少得曲肱成夢

蝶不堪衙吏報鳴鼉已荒里社出園了可奈春風桃李何想見宜春賢太守無書來問病維摩

廖袁州見荅弁寄黃靖國再生傳次韻寄

春去懷賢感物多花飛高下習絲窠傳聞治境無戾

虎更道豐年鳴白蠶史筆縱橫窺寶鉉

子寶作搜神記徐鉉作稽

神錄當時謂寶鬼之董狐

詩才清壯近陰何寄聲千萬相勞苦如

倚胡床得按摩

袁州劉司法亦和予摩字詩因次韻寄之

袁州司法多兼局日暮歸來印幾窠詩罷春風榮草

袁州府志

卷之十九

三三

木書成快劍斫蛟鼉遙知吏隱清如此應問鄉曹果

是何頗臆病餘居士否在家無意食羅糜

宜陽別元明用觴字

霜髯八十期同老酌我仙人九醞觴

術者以吾兄命皆壽八十近得

重醞法甚妙

明月灣頭松老大永恩堂下草荒涼千林風

兩鶯求友萬里雲天鴈斷行別夜不眠聽鼠嚙非關

春茗擾枯腸

贈仰山簡老

簡師飛錫地天外集雲峯擎石松根瘦款聽竹影濃

山寒侵壞衲澗響雜踈鍾客問西來意無言凭短筇

定叟弟頻寄黃蘗仰山新芽口占小詩

張栻左司員外郎

瘴雨昏昏梅子黃午牕歸夢一繩牀江南雲腴忽到
眼中有吾家棠棣香

集雲峯頂風霜飽黃蘗洲前水石清不入貢包供王

食秣應山澤擅高名

坡公貶艸茶未為確論予謂建茶如臺閣勝士土茶之佳者如

山澤高人各有風致未易麻也

送周子上赴宜春守

胡銓學士廬陵人

袁州府志

卷之十九

三四

憶昔昌黎伯直諫氣凜然又聞贊皇公直道薄雲天

堂堂兩宗工益世勲無前竭來著此邦仰山同不騫

公今又繼往相望三百年風流雖已矣遺迹儼弗愆

邦風雜未純雕俗還未鏹要須痛一洗興昨作其賢

束吏縛猛虎愛民亮小鮮課為天下最名壓坐中先

鳳尾催歸詔看看下細旃踐槐知不晚聞早促曹孳

送劉醫士歌

明黃子澄大常卿

世人欲學醫國手今人不見古人有古人已遠可柰
何力追猶落軒岐後四時錯運六氣淫窮簷蔀屋多

呻吟眼前盡是學醫者
一頭蘇息誰關心
宜春劉君故鄉客
京國相逢舊相識
囊中贖貯活人方
任市懸壺不盈尺
夜來踈雨敲梧桐
爲言歸思生秋風
侵晨過我揖我別
行李便逐南飛鴻
嗚呼上醫不可見
搔首乾坤淚如霰
還家種杏早成林
宋清當有河東傳

按大常遺藁俱散佚
僅存此詩惜哉

破械寄家弟

靖難時作

龍

鐔

按察使
萬載人

一陣西風破馬群
兩年消息未通聞
祇圖宦達從先
進豈料才踈負聖君
黃壤好將叔白骨
青鸞無復駕

袁州府志

卷之十九

三五

紅雲信知秋雨梧桐後
剪紙招魂誦祭文

鈴山贈熊茂初太史

徐桂

清秋雲岫倍相鮮
選勝攜壺此地偏
却惟江流翻樹
秒祇恹山色到尊前
星分牛斗雙龍劍
雨別岷峨萬里天
莫謂此宵離析易
松風蘿月更堪憐

呈分宜邑宰石子和

戴復古

古鎮更爲縣封疆
半是山賦繁官吏
窘土瘠稻梁
豎流水心何恁
高山意自閒
春風細吹拂桃李
滿民間

鄧山酬贈韓二子

嚴嵩

迢遞窮山裏君能枉見尋松門駐雙騎蘿徑鳴孤琴
衣上雲嵐色林中經梵音應悲市朝客誰到白雲深

嚴公解相還里追送淞陵作 皇甫沔 雲南按察使

明時扈聖廿年餘始得銜恩謝直廡瓦水池臺非舊

築鈴岡花徑是新除縣家歲給山公粟門巷高懸薛

氏車舟泊吳江秋乍冷野人聊為獻鱸魚

贈彭水部 吳山 尚書

羨君今作治河使却意扁舟共濟時寒夜客牕頻過

酒中流擊節並吟詩風塵擾擾原無定松栢蒼蒼久

袁州府志 卷之十九 三六

自知結綬彈冠如可慶青山綠水更相期

又 張春 編修

四郊烟雨馭輕雷水漫河橋畫鷁催聖主正須經國

計使君應是濟川才湖山杳靄開淮甸雲樹霏微接

楚臺莫道坻京都邑盛年年憑仗萬艘來

送伍給事謫萬載丞 彭顯祖 禮部 臨川人

年來清奏出陪京每命秋江送客行給事舊從關令

尹為丞新失漢公卿星通百粵蠻差少地接長沙濕

較輕自是世情能物色不妨黃綬去逢迎

贈藍志山壯學博

李一德

北闕除書遠南濱振鐸賢衣冠幾洛瀆簫鼓度瀧川
雨滿桄榔暗風輕翡翠妍青氈多暇日應理舊時篇
送宋培節還康樂

九 欽

淮秋日錦帆開江上芙蓉半酒榼天府蜚英稱弱
冠帝鄉作賦見雄才星隨使節南昌遠日計征途北
斗迴歸到重陽無別眺仙郎高築讀書臺

贈萬載令范擢庵

國朝 史大成 狀元

撫字朝廷意催科好酌量遙知民力竭應不異吾鄉

水州府志

卷之十九

三七

亂後花州在公餘荔子香慙慙能愛惜風雅郎循良

夜發袁江寄李穎州劉侍郎

以下唐
行役

戴叔倫

十夜回舟入楚鄉月明山水共蒼蒼孤猿更發秋風
裏不是愁人亦斷腸

袁江口憶王司勳王吏部二郎中起居十七弟

嘉祐 刺史

京華不啻三千里客淚如今一萬雙若箇最為相憶
處香楓黃葉入袁江

別宜春赴華

盧 肇

秋天艸木盡凋疎西望秦關別舊居筵上青樽今日
酒篋中黃卷古人書離山且作術蘆鴈入海終爲帶
角魚長短九霄飛直上不教毛羽落空虛

射策後作

射策明時媿不才敢期青律變寒灰晴憐斷鴈侵雲
去暖見醞雞傍酒來箭發尙憂楊葉遠愁生只恐杏
花開曲江春淺人遊少盡日看山醉獨回

將歸宜春留題新安館

東里如今號鄭鄉西家昔日近丘牆芸臺四部添新
袁州府志 卷之十九 三八
學秘殿三年學老郎天外鴛鴦愁不見山中雲鶴喜
相忘猶張皂蓋歸蓬華直謂時無許子將

及第後江陵觀競渡寄袁州刺史成應元

石溪久住思端午館驛樓前看發機鞞鼓動時雷隱
隱盡撓翻處雪霏霏衝波突出人齊噉躍浪爭先鳥
退飛報道是龍剛不信果然奪得錦標歸

下第歸宜春酬黃頗餞別

潘 唐

聖代澄清雨露均獨懷惆悵出咸秦承明 爲相如
賦故國猶慙季子貧御苑鐘聲臨遠水都門樹色

行塵一從此地曾攜手益羨江頭桃李春

滿袁州道中寄子美

張翥 大業少卿

去年醉到江花老憂患相寬獨與君今日天涯又春色却尋高處望吳雲青紅染出化成寺羅縠翻開秀水紋風物感人音信少眼前雙燕謾紛紛

尋易景說尊師不遇

唐 崔江

爛熳紅霞光照衣苔封白石路微微華陽洞裏人何在落盡松花不見歸

出宰清江省親秀水

李觀

袁州府志

卷之十九

三九

天闕抵清江萍泛七千里心目駐庭闈恍如尋尺爾河伯念微衷風師薦嘉祉澄瀾翼順飈庭前堪屈指歸歎膝下歡奚獨老萊子

次宜春

祖無擇

退之昔臨郡閒暇多文辭偉奇滕王記簡繁湘妃碑弘中佩廉印謹牒更符移二字何小數工書方力古今辨名分動為來世師誰言愈木強吾謂多禮儀觀風道及此懷賢重悽其所至尋履迹泯滅無孑遺仰山碧巖巖秀水清漣漪山水有摧竭今名無已時

分宜道中

孫觀

老牯挽犁泥沒膝刻刻青秧鋤水出大麥登場小麥
黃桑柘葉大蠶滿筐猿鳥相呼聚儔侶繅絲百箔聞
好語此時物色不可孤勸君沽酒捋金盃

宣風道上

阮閱

馮蹄西去夕陽催濃淡寒山翠作堆北鴈無情怕秋
熱帶將寒信過江來

宿萍鄉西三十餘里黃花渡口客舍稍明潔
宋亨伯者題詩亦頗不俗因而和之

袁州府志

卷之十九

四十

朱熹

鼎足爐邊坐陶然共一樽道心元自勝世味不須冷
安穩三更睡清明一氣存雖無康樂句聊爾慰營魂

到袁州

馬蹄今日到袁州山木蕭條四面愁多謝晚來風力
勁朔雲寒日共悠悠

袁州刺史幾何人韓李流芳獨未泯道喪時危今日
九原遺恨一時新

袁州道中作

今朝已是臘嘉平我獨胡為在遠行
白髮倚門應憶想青山聯騎若爲情

袁州道中多奇峯秀水惟石清泉

我行宜春野四顧多奇山巖巖不可狀
峭絕誰能攀上有青葱林下有清泠澗
澗底轉頭石一一神所剜衆木共遺棄
千秋獨空巖空巖獨抱孤賞喟然起長歎
分宜晚泊江亭望南山之勝絕江往遊將還而
舟子不至擇之則無望渡呼之予與伯崇
立以俟因得之

袁州府志

卷之十九

四一

寒水粼粼受晚風輕舟來往思無妨也向溪南
去徙倚空林暮靄中

過袁州人言石乳洪陽之勝不及一遊作此

人道歸雲未足誇洪陽石乳更難誇
連環入夢難紆軫回首西風又日高

抵袁陽

德

袁州教授

聲聲啼鳥叫胸中
望長沙三百里行人道是古

曲礪紫絳

石乳

石乳

好水碓無人畫白塢

袁州路遇晴

楊萬里

晴意人不呆天容今日新如何半輪日銷去許多雲
積雨還休雨小春真似春客心君莫問山鳥亦欣欣

宣風驛

鄭強

涉水登山道路賒青黃艸色間幽花更深無柰秋風
冷夢破已驚明月斜隱隱似聞銀漢鴈飄飄猶汎使
星槎來朝更向昭萍去歸計茫茫未有涯

宣風公館

明 王守仁

袁州府志

卷之十九

四二

山石崎嶇古轍痕沙溪馬度水猶渾夕陽歸鳥投深
室烟火行人望遠村天際浮雲生白髮林間孤月
黃昏越南冀北俱千里正恐愁人入夢魂

宜春道中見太守公暇草

國朝

宣重光

巡按

城中烟井似山中城外千峯遠萬峯欲上高臺看牧
馬畏聞荒戍度歸鴻三苗戈甲何時斷丙稅誅求盡
樹空笑爾昌黎堂內客年來愁苦賦偏工

分宜道中

宜春臺下分宜路極目遙望虎豹藏一道江流餘

艇千家山郭付殘陽石橋謾說當年相鐵騎頻傳異
姓王我欲繪圖憑入告 九重應有淚沾裳

再任袁陽入境有感示郡人 王延禔 司理

野風細雨透重衣 幽徑蒼茫鳥自飛 郭外山橫柳在
城頭臺迥薜蘿稀 隔江豺虎依然石滿目 村橋半
又非 寄語袁陽諸父老 昔年子晋又重歸

出秀江驛之石嶺

施閏章

行遠行役脩塗一何艱 川巖苦詰曲徒侶相攀

開崇坂種苗荒平田人力何不齊 農功安可讓

州府志

卷之十九

四三

聞深樹林失木有窮猿哀鳴求其曹 重雲蔽山原
惻起憂思長 謹無與言

發袁江

江空翠看欲無盤渦激瀨寒 侵膚乘流縱掉迅飛

却走如亡逋岸旁水碓喧 輓轆釣臺巨石青

河伯江妃白晝趨 卧聞難響以 逾颯如勁

孤萬籟奔騰鳥獸呼 枕籍清光離 藤花飄

上髭鬚逸興今朝不可孤 舉杯滿酌酬江湖

發宜春

新霽岫雲輕春風送客行高臺迴嶂俯深樹雜花明
村逕半牛跡山田皆水聲出門纔幾日鷓鴣已先鳴
自分宜之安福道中

山腰通石磴人影入青蒼高隴分田紅四峰劃水長
問炊迷野店飲馬歇村莊遊賞撥鄉思餘春殊未央
自劉陽還萬載

史大成

狀元折江人

青霜三日曉微雨萬山東澗斷危橋度峯迴遠徑通
僕夫移樹杪烟火出雲中行路難何有歸思逐雁鴻

昌山峽

吳南岱

袁州府志

卷之十九

四四

昌山野渡白雲中高閣森森古樹叢兩岸溪聲喧晝
夜半天梵語落塵空人當暝氣全消暑路接灣心
轉蓬莫以一官悲執掌由來清夢在松風

分宜夜泊

吳南岱

薄暮雨瀟瀟輕舟纜柳條市荒人語細夜靜柝聲高
日月催雙鬢風雲愧二毛因思故園茅竹萬年

施閏章

橫江石關亂流通夕照漁舟冉冉紅渡口婆娑看不
盡寒泉深寺綠陰中

昌黎書院成

當事諸公月季課士郎事

李翔鳳

鐵嶺人
國學生

春堂一上氣氤氳惆悵遙看精舍紛八代文宗今再
見千年道範此重開堂前清宴對軒窗閣下柔風正
暮雲芳艸映簾圍砌綠閒情曲按鏡三分

前題志喜用胡廣文韻

李翔鳳人宜
教諭

名賢自昔肩披履繼豆陳
模應教聖譽起荒蕪
化新此日鴻模滿石砌須知公力大於身

袁州府志

卷之十九

五

書分司壁絕句

明一夏

寅

提學副使

一萍千古得名鄉國號雖存芋姓亡好鬼逐巫皆舊俗却無祠屋奉昭王

道中即事

吳廷舉

都御史

霜雪中臺樹風花別院牆弦歌將動響田野未拋荒驛舍臨官道郊居俯柳塘皇華程兩月明日汎三湘

和韻

孫燧

燧

都御史

古樹陰連棟晴雲低度牆春深廷草碧霜凜徑苔青排闥山橫翠環清水滿塘短吟聊引興不覺動三湘

袁州府志

卷之十九

四六

宣風公館用韻

朱應登

副使

絕壁雲開過雨痕綠江漲擁碧流渾溪田決溜疑行徑竹嶼籠烟別有村暑氣趁晴威更烈客行當午思饒昏扶持病體供驅使未羨江淹賦別魂

又

杭淮

淮

提學副使

宜陽山前莎草痕春泥釋釋水流渾客路遠道無車轂人拜新年不出村三日暄蒸比風作清曙陰靈江氣昏野館蕭條亦足賴梅花爲我招吟魂

宣風公館

王守仁

山石崎嶇古轍痕沙溪馬度冰猶渾夕陽歸鳥投深
樹烟火行人望遠村天際浮雲生白髮林間孤月坐
黃昏越南冀北俱千里正恐愁人入夢思

入邑封望見鵝嶺

卷之十九

忽觀鵝嶺舊一笑故園新花草經秋暗闌山傍月明
身窮憂逆棄親老喜相迎強顏歸里第遺繻失芳辰

前題志喜用胡廣文韻

金玉書

舉人官
春教諭

名賢自昔誦精裡俎豆陳歌幾度頻幸際循良滋
樸應教髦舉起芄薪雲生曉閣供書慶雨過春臺沐

袁州府志

卷之十九

四七

化新此日鴻模高古碣須知公力大於身

山石崎嶇古嶽痕沙溪馬渡水猶渾夕陽歸鳥投深
樹烟火行人望遠村天際浮雲生白髮林間孤月坐
黃昏越南冀北俱千里正恐愁人入夢云

入邑封望見鵝嶺

龍惠卿

忽觀鵝嶺舊一笑故園新花草經秋暗闌山傍月明
身窮憂近棄親老喜相迎強顏歸里第遺繻失芳履

吏隱宜春郡

以下風土

宋

祖無擇

吏隱宜春郡年豐獄訟稀餘糧委南畝茂草滿園扉
天意憐艱食民心恥畫衣萬家行樂處耳馬有光輝
吏隱宜春郡溪山若畫圖纖鱗時自躍幽鳥靜相
呼號浪噴寒雨晴嵐鎖綠蕪漁樵木吾事搔首重踟
躕 吏隱宜春郡山城少客過靜中窺物理閑外養
天和春暖尋花塢宵涼翫月波將迎者誰子勞逸兩
如何 吏隱宜春郡放懷詩酒閒未能慚下里幾
效中山杜甫藩離窄劉伶幕帟慳高吟與沉醉榮辱
哀州府志

卷之十九

四九

詎相關 吏隱宜春郡窮通懶更占矜名遭巧譖晦
迹喜深潛昔慕狂爲聖今師智養恬優游無一事
覺歲時淹 吏隱宜春郡素飭誠有餘政聲慚遂霸
文藻謝嚴徐吏節分銅虎仙廬秘石渠君恩殊未報
不敢話歸歟

女耕田行

東之龍

廬鳳巡撫

採筍山間已成竹無計克饑思播穀空言無男田不
耕惟見年年青草生盤盤青草結根老思待燒荒問
寡嫂嫂云兵火燒已空小膽怕向烈焰中小姑舉火

延山嶺單禽驚噪與誰同可憐天公鑒女苦殷殷雷
電震膏土急疏溝洫拔深根鴉頭襪沒春田雨緜緜
弱指帶血歸綽綽撲面雙蝶飛不敢開口怨無男兩
兩相思淚落衣

記萬載風俗三絕

宋祖無擇

居民覆其屋大半施白瓦山際兩三家如經新雪下
官醑米爲麴釀出成紅酒里社醉豐年便是宜城

袁州府志

卷之十九

五十

田中多峭石蒼王亂歎斜惟似湘中見封域迤長沙

萬載縣

阮閱

門橫路斷竹爲籬雪色漫漫瓦屋稀

居人以篋木爲瓦覆屋望之如

雪黃領青腰虛市罷

男子葛布婦人青裙三日一墟其俗頗陋

盡沽紅酒

夕陽歸

土人皆飲紅酒

萬載證

國朝加昌章

山城夜閉中夜雨夜聞城中嗥猛虎十家九家聲暗
忝城中人少荆棘存城高丈五半傾裂中貫長河無
求門盜賊哀憐不肯入官吏倉皇征稅急鴈集鳩居

何多士人拱手客種禾殺牛沽酒醉且歌滿腹
田柰爾何

萍鄉絕句

宋

阮閱

春盡江南歸已遲
湘南風雨度花時
新取湘江
色攜看江屏畫竹枝

分宜絕句

扶疎碧樹想吾廬
近隔清江幾舍餘
少聽光風吹剩
水未妨蕭寺曝新書

北郭民有誅茅築室者喜賦

國朝

吳南岱

袁州府志

卷之十九

五一

頻年未見栖遲影
此日驚聞版築聲
尚有雁鴻憐舊
址可無燕雀賀新成
黃花摘去供餐秀
碧水流來
飲醇寄語桃源諸隱逸
此方久矣不知兵

萍鄉即事

宋

蔣之奇

地接長沙近鄉名自古聞
毛山千嶂雪王女一墩雲
拱木扶霄上飛泉觸石分
霜風萍實落日斷楚江濱

楚萍詠

宋

孫覲

雲夢青丘蟠楚藪
萍實江邊大如斗
故壘摧殘百戰
餘舊事流傳千載後
懸崖半裂青兕吼
空坡突過黃

孤走山深日落少人行寂寞鳴蜩在高柳江湖入夢
倏三年慰我飄零一杯酒羣盜雖降漢赤眉故侯慣
作秦黔首

郡城聞猿

唐

崔江

怨抱霜枝向月啼數聲清繞郡樓低邨堪日夜有雲
雨便似巫山與建溪

桑棗鋪

國朝

施閏章

路僻名偏好幽懷動行客硤壞少桑林陰崖疊雲
窈窕山雞啼婁迷礪草積人家隔數峯何處詢陳蹟

袁州府志

卷之十九

五三

麻棚謠

山陬鬱鬱多白苧問誰種者聞與楚伐木作棚禦
雨緣岡蔽谷成儔伍剝麻如山召估客一金坐致十
石黍此隰爾隰原爾原主人不種甘宴處客子聚族
恣憑陵主人膽落不敢語嗟彼遠人來樂土此邦之
人爲誰苦

聞宜春諸子陪鄧太守翫月

以下節亭

唐

黃頰 御史

一年秋半月當空遙羨飛觴接庾公虹影迴分銀漢

上兔輝全寫玉筵中笙歌送盡迎寒漏永雪吟消永
夜風雖向東堂先折桂不如賓席此時同

寒食獻衛景温使君

伍君珪

入門堪笑復堪憐三徑苔封一釣船
鬼愧四鄰教幽火不知厨竈久無烟

送春二首寄呈祖袁州

宋

李觀

去年春盡在宜春醉送東風淚滿巾
今日春歸倍惆悵相逢不是去年人

東君此去幾時來雪裏梅根待暖回
莫似山家寥落

袁州府志

卷之十九

五三

甚蟠桃千歲始重開

分宜春日

劉清之

王春八九日鄉縣兩三程溪淺梅仍瘦
山昏雪未醒
披災誰有道憂世我何情
還憶慈親喚歸來開大餅

和歐陽元之清明金氏園中賞花韻

黃廷臣

詞情句法少陵風休問去年今日同
笑列但浮今日
白好花還作去年紅
初晴麗景增春重
侑坐新妝特
地濃聊插一枝陪樂事
鏡中不是少年容

袁州九日

明

皇甫汈

信美登高三宜春有舊臺花非吳地發鴈是楚天來
那外千家盡牕中萬壑哀此鄉多旨酒取獲使君杯
辛巳九日登茶園嶺

袁宗

報道秋光九日回呼童扶杖出松萊登高幾度龍山
會作賦還占司馬才江上芙蓉懸落照園中薜荔長
新苔總緣黃菊偏宜壽遍佩萸囊半醉來

嚴塘經亂書事

唐

鄭啓

塵生宮闕霧濛濛萬騎龍飛幸蜀中在野傳巖君不
袁州府志

卷之十九

五四

夢乘軒衛懿鶴何功雖知四海同盟久未合中原武
備空星落夜原妖氣滿漢家麟閣待英雄

梁園皓色月如珪清景傷時一慘悽未見山前歸牧
馬猶聞江上帶征鞞為魚隊潛鱗困鶴處雞羣病
翅低正是四郊多壘日波濤早晚靜鯨鯢

解悶

雜體

唐

上

甫

工部員外郎

一辭故國十經秋每見秋瓜憶故丘今日南湖采薇

蘇何人為覓鄭袁州

袁一作瓜當以袁字為正鄭袁州即秘監審也乾元中為本州

史

宜春夏晚有懷平泉林居

李德裕 長史

孟夏首畏途捨舟在徂暑愀然何所念念或龍門塢
密竹無蹊徑高松有四五飛泉鳴樹間如颯如度雨
箇桂秀層嶺芬蓀媚幽渚稚子候我身衡門獨延佇
誰言聖與哲曾是不懷土公旦既思周宣尼亦念魯
矧予竄炎裔日夕誰晤語眷關悲子牟班荆感椒舉
悽悽視環玦惻惻步庭廡豈待莊鳥吟方知倦羈旅

秀川館聯句 并序

宋 黃庭堅

番陽洪邁景廬還自衡岳道宜春買舟東下
永嘉方雲翼景南置酒秀川館餞之邵武黃

袁州府志

卷之十九

五五

介景達開封向瀛巨原歷陽許子紹李韶與
焉坐間屬聯送行且強景廬同之人賦十許
韻賓主皆醉不復續惟巨原止酒不闕消
獨又唱出八十字以成章且書之明日以
景廬云紹興二十七年九月乙亥景南序

江聲牀搖寒山色牕拗綠 方 歸舟著沙邊客夢遶鄉

曲 洪 簪盞豁秋悲筵開從夜卜 黃 黃花散踈籬蒼竹

圍破屋 向 詩豪爭擊銅談劇屢消獨 許 昔昔五言成

洗我愁萬斛 方 主人意無窮客子去敢速 洪 栝寬怯

鯨吞詞澁愧貂續 黃 注瓦亦傾銀聯珠仍綴 王 向天

迴月明洲霜清風隕木 許 飛齊水擊鵬揮退目斜鵬

知此數途歷遍財一感長吟美且箴細酌壽而祝端
期子一逢毋諱再三瀆德進朝廷尊河潤
師福前
脩庶拍肩能事當繼躅君無廢此篇隨車編卷軸

郡城放猿獻衛使君

唐 易 思

千巖萬壑與雲連放出雕籠任自然葉灑驚風啼暮
雨月凝殘雪飲流泉臨期莫似三聲日避射須依遠
樹年應解感恩尋大守攀蘿時復到樓前

讀鄭都官雲臺集

錢文薦

最愛都官詩尚嫌篇什儉偃蹇曾適蜀崩奔亦至陝

袁州府志

卷之十九

五七

有時寄雲臺盡日窮芝檢苦吟病葉落愁坐殘露斂
毫腐爲搜竒夢驚緣入險凍嶺孤梅破昏江獨火
佳句總堪傳莫將鷓鴣掩

李景隆師敗

明 黃子澄

仗劍曾登大將壇貂裘遠賜朔風寒出師無律真兒
戲負國全身獨汝安論將每時悲
趙括張儀河日
齊桓尚方有劍懸誰借哭向蒼天幾墮冠

袁州讀鄭守愚集

國朝 施閏章

高文水雪寸心孤笑殺人呼鄭鷓鴣秀浦城南君故

望江山何事三詩無

野見

吳南岱

屋傍巖根窓傍溪綠楊翠竹自東西兒女飽寵日方
午樹上老雞三四啼

戲題白雄雞

時弱冠

明

龍鍾

誰把芙蓉頂上栽此身身向雪中來生平不會閒調
舌一叫千門萬戶開

輓劉處士

李時勉

藜閣雲孫世共誇林泉幽隱老烟霞門前種竹惟三

袁州府志

卷之十九

五八

徑屋裏藏書過五車舊友每尋陶令宅行人猶問鄰
侯家朔風蕭瑟空齋冷惟見梧桐幾樹花

吊龍觀察次韻

王道明

逸才蚤歲羨空羣芳譽先從越晉聞自是殺身成我
志孰知靖難即吾君千年清議明于日一瞬浮華
是雲仰止前徽增壯慨錦江益見起人文

又

沈葆

天命陰移事已非孤忠有淚向誰揮抗師片為全忠
計就速何辭濺血衣骨返龍江蛟欲吼氣浮紫蓋鶴

來歸即今日月還依舊惆悵先生絕調稀

袁州府志

卷之十九

五九